

龔德柏著

揭破日本的陰謀

上海太平洋書店印行

龔德柏著

揭破日本的陰謀

上海太平洋書店印行

揭破日本的陰謀

一、二、付印
一、三、出版

〔全一册定價大洋八角 郵費七分半〕

龔德柏著

版權所有 不得翻印

上海白克路北河路八號

太平洋書店出版發行

上海牯嶺路餘慶里一弄

太平洋印刷公司代印

上海白克路北河路八號

總發行所

上海太平洋書店

電話 中央 九六七五

分售處

各埠	武昌	長沙	天津	南昌	各埠
中華書局	太平洋書局	泰東圖書局	太平洋書店	太平洋書店	各大書局

揭破日本的陰謀

敘言

不佞天性剛直。熱血滿腔。素視國事重於家事。而留學日本期內。又適值日本發揮其最大野心。決意置吾華爲附庸。凡稍有人心者。皆憤慨萬狀。而況熱血沸騰之不佞。其不能安於緘默。任日人宰割。蓋係必至之勢。故不佞於治學之餘。所有時間。皆費於政治運動。換言之。卽排日運動。初則秘密。繼則爲日本警廳所知。致警探常追隨不佞左右。惟不佞素來膽大。不特不因有警探追隨。緩和態度。反因此而再接再勵。故民八三月二日（巴黎和會正在進行）打破亞細亞學生會後。復有五月七日率羣衆攻打駐日使館之舉。於是日政府決意驅逐不佞回國。而其手段則在開除不佞學籍。而公費亦隨之撤銷。以爲不佞既無學費。必須回國。不料不佞在日行動。爲恩師胡公元倓（字子靖。湘之教育家）所知。卽匯款接濟。並囑不可歸國。願繼續設法維持。民九湘局變動。譚組庵復執湘政。胡公卽請譚恢復不佞公費。而不佞得

安心留日矣。此時既無學校功課牽制。除從事政治運動外。即研究日本對華之陰謀野心。故不佞今日關於日本問題之有一知半解。固由恩師胡公之賜。而日政府之開除不佞學籍。亦與有直接之力焉。

至民國十年八月。不佞研究雖尚未十分成熟。惟華盛頓會議開會。將討論遠東問題。不佞以爲千載一遇之機已至。遂與友人某君（君亦研究日本問題。較不佞爲有心得者。）約同赴美。擬將日本陰謀野心。就吾輩所知者。盡量向世界宣傳。不幸代表團之主要人員。不過擬藉此機以達其升官發財之目的。對於國家毫無誠意。吾輩任務。遂完全失敗。惟因赴美之故。以後不能再留日本。自回國後。邇來六七年間。爲生活問題。初則傭於人。繼則自傭。每日從事文字勞動。關於日本部分。不下數十萬言。惟係研究向未十分成熟時期之作品。故不敢自附於名流之列。抱出專集之妄想。對已發表之稿件。毫不注意保存。致散佚三分之二以上。至今思之。不無可惜。

惟不佞自身雖以研究尙未成熟。不敢妄言專集或專著。然以一知半解之日本知識。對

於日本事件。常有談言適中。使人首肯之事。較之身當要衝。而觀察完全錯誤者。似有一日之長。卽以此次對日交涉而論。不佞愚見。以爲田中內閣爲罪魁禍首。在田中內閣生存期內。濟案及一切對日交涉。殊難解決。惟田中內閣若非藉與中國開始交涉之名。殊難通過此次議會。故不如對田中暫持不理態度。俟田中內閣倒後。再與日本開始交涉。較爲捷近。故以此意旨。屢向王外長進言。請其暫持觀望態度。王外長毫不爲意。直至二月四日晨（卽濟案由王芳決定大綱之前數小時）不佞尙與王外長爭論此事。王外長與不佞互持己見。遂至不歡而散。是晚王芳會談至次晨四時半始散。不佞又因有他事。須卽與王外長接洽。因王宅客廳正在會議。祇得與中日新聞記者數十人同在屋外等候。是時交涉正在進行。不佞與申報記者顧君。及東京時事新報記者松本君。日本聯合通信社社長博多君。談論交涉問題。不佞仍主張田中無誠意。其目的在維持內閣。交涉殊無希望。博多君力駁不佞之說。雙方至賭百元酒席。至王芳會議告終。遂以濟案解決相告。不佞方慶幸王外長政策之成功。不謂此時之解決。仍係田中玩弄王外長之手段。試觀因濟案交涉有解決之空氣。左右日本政局之床次竹

二郎一派。於六日（即王芳會議二十小四時後）宣言政府採用該派政策。聲明援助田中內閣。而田中以目的達到。遂於八日會見時。對四日晚所議定之濟案解決大綱。根本推翻。竟使余言不幸完全適中。而中國外交陷於不可收拾之境矣。夫王外長爲現代不可多得之能手。平日常玩弄他人於股掌之上。今乃反被田中玩弄。招絕無僅有之失敗。豈王外長巧於彼而拙於此耶。抑亦對日本情形毫無了解之所致也。夫外交最高當局。不必一一精通友邦政情。然必有精通各友邦政情之人員爲之輔佐。使其向正當之路逕進行。方不致陷於謬誤。不料號稱『日本通』之外交部要人周龍光崔世傑二君。對於日本政情。毫不通曉。惟聽信田中偵探之言。以不確實之報告。每日輸入王外長之腦中。遂使他人正當之言。（向王外長陳述與余同樣之意見者。不祇余一人。）毫無使王外長聽信之機會。終致貽誤國家。其政治上之責任。實重且鉅。（或云周崔二君。別有懷抱。若然。則其責任愈重大矣。）以不佞一知半解之日本知識。尙能觀察者。不謂號稱『日本通』以左右中國外交方針者。竟完全陷於錯誤。然則不佞對於自身。固不宜妄自匪薄。對於國人對日知識之增進。尤應爲相當之努力也。

欲增進國人對日知識。則刊行不佞前此所發表之對日論文集。或不失爲一方法。惟以原稿散佚大半。搜集匪易。竭數日之力。僅得十餘萬言。其中如『日本併吞中國之新國防方針』。將日本對華野心完全暴露。如『日本駐兵東三省之野心』。及『日本侵犯南滿鐵路界內行政權問題』。『日本阻止郭松齡進兵問題』。『日本違約經營鞍山製鐵所』等篇。皆觸及日本對滿蒙陰謀野心之核心。雖係數年前之作。然仍爲現時最重大之問題。而『日本侵略西伯利亞之前因後果』。及『失敗之長春會議』二篇。無異敘述日本今日在魯之行動。國民實有特別注意之必要。不佞敢負責任。向國人作毛遂之自薦。自信尙未經他人道及。尤非外交當局所能夢想得及者也。

不佞自感責任之重大。現將繼續數年前之研究。三數年後。或有較爲有統系之著作。以求教於國人。尙望國內外識者進而教之。是則不佞所馨香禱祝者也。

民國十八年三月二十一日龔德柏識

揭破日本的陰謀

目錄

日本併吞中國之新國防方針·····	一
日本駐兵中國與中國之安危·····	一一
日本駐兵東三省之野心·····	三三
日本侵犯南滿鐵路界內行政權問題·····	四七
日本阻止郭松齡進兵問題·····	五一
張作霖被炸後之日本·····	五五
日本違約經營鞍山製鐵所·····	六二
濟南大慘殺案之傍證·····	六五
濟案交涉前途之觀察·····	七〇

田中內閣之命運..... 八二

芳澤來華與濟案交涉..... 九一

駁日使芳澤關於廢約之談話..... 九七

論中日已廢商約第二十六條..... 一〇三

美日戰爭及中國之地位..... 一〇七

張伯倫與英日同盟..... 一四七

日本侵略北滿諸江河航行權..... 一五四

日本獲得松花江航行權之風說..... 一五六

日人大略頭道溝事件..... 一五九

日本擬組織南滿警察隊..... 一六五

日本駐漢口領事違法逮捕韓人事件..... 一六九

陝西煤油將入日本之手..... 一七二

異哉今日尙有中日郵政交涉發生.....	一七五
中國完全失敗之郵政交涉.....	一八〇
日本軍閥何時覺悟.....	一八三
日本軍閥內閣將成立.....	一八五
東方社造謠挑撥的真憑實據.....	一九七
日本人發言應謹慎.....	二〇三
日本決定撤退漢口日本駐兵.....	二〇五
日本軍警腐敗小史.....	二〇九
日本侵略西伯利亞之前因後果.....	二一〇
破裂之長春會議.....	二五四
日本撤兵與西伯利亞治安.....	二九二

揭破日本的陰謀

龔德柏著

日本併吞中國之新國防方針

一 日本陸軍佔領中國之夙策

日俄戰爭後。日本之陸軍政策。以俄國之陸軍力爲標準。自俄帝國瓦解以來。日本三十萬之大常備軍。已失其目的物。然日本政府。毫無減少師團之意。反急急圖軍器之改良。與內容之補充。吾人從種種方面研究。及徵諸日本朝野要人之言論。乃知係備美日開戰時。將此強大陸軍爲占領中國。強奪軍需食糧之用。〔參觀美日戰爭及中國之地位〕然華盛頓會議。美國已將其遠洋攻勢艦隊爲極端之縮小。則美日戰爭。事實上已不能發見。在日本一方。可以安然無憂。而占領中國之大陸軍。已歸無用。故日本少數識者。亦見及此。致有衆議院縮

小陸軍之建議。然最足使世界驚懼者。即日本軍閥不肯放棄其占領中國之野心。因此建議而暴露於世界。吾人今將此事本末。介紹國人。以見日本軍閥野心之大。我國民不可不有相當之覺悟也。

二 衆議院縮小陸軍建議之不澈底

本年二月七號。日本國民黨曾在衆議院提出縮小陸軍決議案。黨首犬養毅氏親自出馬。當說明之任。其演說大旨。即將現在軍隊之二年服務期限。改爲一年。將現有之二十一師團。折半。改爲十一師團。因之戰時能招集之人員。不致減少。並詳述日本現在國民教育之程度甚高。即施一年之軍事教練。亦能成爲精銳。戰時決不致受何等影響。並主張加增新式武器。圖軍隊戰鬥力之增進云云。犬養氏此種主張。謂之爲改革陸軍則可。謂之爲縮小陸軍則不可。蓋戰時能招集之人員。既不減少。反加增新式武器。嚴格言之。實擴張而非縮小也。當時日本國民。對於此案。甚爲注意。而衆議院各派。皆表示贊成。其後政友會憲政會國民黨庚申俱樂部等。各提出成案。主張各有差異。未能一致。因之各舉代表數人。組織小委員會。研究一

致案。於三月二十三日始告妥協。將決議案改爲建議案。其原文如左。

願政府縮短陸軍步兵在營期限。爲一年四個月。且實行整理統一各種機關。以減少經費四千萬元。特此建議。

三月二十五日。衆議院將該案通過。惟未付表決之先。日本唯一之和平派尾崎行雄氏。主張將一年四個月之在營期限削除。任陸軍當局自定。惟經費須減少一萬萬元。經各派反對。否決。

當前案表決後。山梨陸軍大臣當即答稱。縮短在營期限爲一年四個月。從目下國民軍事預備教育觀之。爲至難之事。又節減經費四千萬元。在目下之狀態。不能實行云云。又東京日日新聞載陸軍當局之意見。謂衆議院之縮小陸軍案。不過一建議耳。其容納與否。固在政府之自由云云。然則日本政府之態度可知矣。

惟衆議院之建議案。是否澈底。茲引時事新報之社論。亦可見日本亦有少數人不滿足之一斑。時事新報之批評如左。

衆議院之陸軍縮小案。以各派懇談之結果。歸結於在營年限一年四個月。節減經費四千萬元。前此各派皆舉其領袖爲委員。意氣甚盛。使世人期待甚大。然其結果如此。不得不失望也。從陸軍經費二萬萬五千萬中。僅節減四千萬元。即保存現在組織。稍爲整理。亦不難得。此可視爲整理行政之一部。不能謂爲縮小陸軍。如此之節減。不過一舉手一投足之勞。而當局猶有難色。真令人莫解也云云。

三 軍閥野心之暴露

當衆議院討論陸軍縮小案時。曾質問陸軍當局之國防方針。山梨陸軍大臣。答以國防方針。應絕對秘密。不能公開。當即開秘密會議討論。其秘密會議之內容。吾人固無由探悉。然研究陸軍當局及各方要人之言。蛛絲馬跡。不難得其梗概。三月十三日衆議院陸軍委員會。山梨陸軍大臣答稱。

從來爲友邦之某國。(按即英國)今已廢棄同盟。若一旦開戰。日本將受各國之經濟封鎖。此時日本必須占領大陸之動脈。以吸收軍需品及食糧品云云。

又二月二十七日東京朝日新聞載軍閥首領前陸軍大臣田中大將之言曰。

縮小陸軍爲日本所不能堪。經濟的孤立無援之日本。不能不在中國大陸得絕對之保障。然列強環視之中國。若一旦有事。將以何物當之乎。卽令太平洋之事。由美英日三國調停處理。然中國大陸之鎮靜。不能不荷於日本之雙肩。故不論如何。不能減少陸軍也云云。

又日本唯一和平派尾崎行雄氏。三月二十五日在衆議院演說。該演說頗洩漏前次秘密會議之內容。當時議院中曾有罵之爲賣國賊者。茲根據日本政府官報所載。譯其大略如左。

東亞現局。苟非有一國違反理性。破壞華盛頓條約。則和平不難確保。日本若違反華盛頓條約。是蹈德意志之覆轍也。然陸軍方面有奇怪之意見。山梨陸軍大臣曾謂日本缺少食糧原料品及軍需品之材料。爲得此等物品。戰時不能不占領亞細亞大陸之交通機關。去年衆議院一議員。質問政府維持二十一師團之目的。當時陸軍大臣田中

大將答稱。係爲中國有亂事時所用。上原參謀總長曾對此言表示遺憾。並謂田中大將應謂係中國有亂事時保護日本僑民之用云云。然不論其措詞如何。總之其意不外說明日本二十一師團。係以鄰邦中國爲目的也。即軍事當局。以此目的。而維持二十一師團也。前日縮小陸軍委員會。曾有同一之質問。山梨陸軍大臣答稱。日本陸軍。係備將來戰時。日本被歐美各國經濟封鎖。占領大陸動脈所必要者。此真驚人之言也。日本一面以此目的維持其陸軍。一面唱中日親善。豈非無益之事乎。此種暴行。即戰前之德意志。亦不敢爲。以如此目的。雖有百師團。亦恐不足。而況二十一師團乎云云。

觀以上山梨田中之言及尾崎氏之演說。則日本陸軍。係完全爲占領中國之用。彰彰明明。在華盛頓會議後之今日。而日本軍閥尙抱如此目的。吾人不能不服其膽大矣。

四 日本海陸軍元帥會議決定之新作戰計畫

三月三十一號。日本海陸軍元帥。開元帥會議。決定新作戰計畫。其內容猶不能不使世人驚心動魄。茲將四月一號讀賣新聞所載元帥會議之記事。譯之如左。